

COMUNICÂT STAMPE

LA SCUELE TE STORIE LOCÂL. SCUVIERTE E TUTELE DAL PATRIMONI CULTURÂL SCOLASTIC STORIC DAL FRIÛL-VIGNESIE JULIE

Vinars ai 29 di Avost dal 2025

aes 10.00

Palaç Clabassi

vie Zanon 22, Udin

La Sorintendence Archeologjie, bielis arts e paisaç pal Friûl-Vignesie Julie in colaborazion cu la Sorintendence Archivistiche dal Friûl-Vignesie Julie e cul Ent Regjonâl pal patrimoni culturâl dal Friûl-Vignesie Julie, daûr de proposte dal nestri Ispetôr onorari pe tutele dal patrimoni demoetnoantropologjic mestri **Gaetano Vinciguerra**, e je daûr a organizâ une **schirie di incuintris formatîfs** cun chê di sensibilizâ i docents sul teme dal **patrimoni scolastic in funzion conservative e tant che imprest pedagogjic e didatic**, tacant cul capî la sô consistence e frontant il teme de sô conservazion, tutele, protezion e valorizazion.

In plui, il progjet al à l'obietîf di **meti in pratiche une ativitât di narazion** e di **valorizâ i bens culturâi tal setôr storic scolastic** par che i citadins a cjapedin cussience che lis scuelis a son une part impuartante de storie di ogni comunitât.

Il progjet al è stât proponût, ideât e za disvilupât cuntune azion pilote li de scuele primarie P. Çorut di Udin dal studiôs e ricercjadôr siôr Vinciguerra, e al fronte il teme dal patrimoni storic scolastic cun chê **di recuperâ, conservâ e tutelâ i bens mobii e imobii** che lu formin (edificis, mobilie, archivis, bibliotechis, culture materiâl e imateriâl).

Il prin apontament introdutîf si fasarà **vinars ai 29 di Avost des 10.00 aes 12.00** te sede di **Palaç Clabassi, vie Zanon 22 a Udin**. A son invidâts i Dirigjents scolastics, i D.S.Gj.A., il personâl docent e tecnic sientific dai Istitûts Comprensîfs dal Comun di Udin.

L'incuintri al previôt i intervents elencâts culi sot:

- *Salûts istituzionâi*

- *Il patrimoni culturâl e i bens culturâi materiâi e imateriâi, contest legislatîf e sociâl*

M. Maresia, A. Nicastro

Sorintendence Archeologjie, bielîs arts e paisaç pal Friûl-Vignesie Julie

- *La tutele e la protezion dai archivis scolastics*

G. Cruciatti, D. Dreos

Sorintendence Archivistiche dal Friûl-Vignesie Julie

- *Lis bibliotechis scolastichis*

D. Geat, A. Grossi

Ent Regjonâl pal patrimoni culturâl dal Friûl-Vignesie Julie

- *Il patrimoni scolastic storic e la culture materiâl de scuele*

G. Vinciguerra

- *Indicazions bibliografichis e sitografichis par aprofondî*

G. Vinciguerra

- *La storie de Scuele primarie “Çorut” di Udin: fasìn il Museu de nestre scuele*

G. Vinciguerra

Ae fin dal incuintri al sarà proponût e concuardât un **calendari di incuintris** di aprofondiment e un **laboratori didattic** pe mapadure/censiment dal patrimoni corint in funzion conservative e tant che imprest pedagogjic e didattic. A cheste ativitât, che e durarà un an cun cadence indicative cuindisinâl o ben mensîl, al podarà partecipâ un sôl rapresentant par ognidun dai ples scolastics interessâts.

Si invidin ducj chei interessâts a notâsi par confermâ la volontât di partecipâ al incuintri di vinars ai 29 di Avost jemplant il modul che si cjate tal leam ca sot:

INFO E PRENOTAZIONS: <https://forms.gle/AiimHuUZrpLqW9Ly5>

La partecipazion e je ricognossude tant che ativitât di **formazion pal personâl docent de scuele** che al podarà notâsi sul portâl S.O.F.I.A dal Ministeri de Istruzion e dal Merit. Iniziative Formative: ID **100315**

Jentrade libare fin che a son puescj disponibii - capience massime: 70 personis

Udin-/Triest 25/08/2025

Ufici Comunicazion e Promozion de Sorintendence Archeologjie, bielis arts e paisaç pal Friûl-Vignesie Julie

+39 040 4527527 | +39 3404805097

sabap-fvg.comunicazionepromozione@cultura.gov.it

<https://sabapfvg.cultura.gov.it/>

<http://www.facebook.com/SABAP.FVG>